



**R. P. D. Thomæ Delbene Marvbiensis, Clerici Regvlaris,
Sacrae Theologiae Professoris ... De Immvnitae, Et
Ivrisdictione Ecclesiastica**

Bene, Thomas del

Lugduni, 1674

Bulla Innocentij X. Declaratio nullitatis literarum Senatus Mediolani, &
Edicti Gubernatoris Status Mediolanensis super obseruatione festiuitatis S.
Dominici in dicto Statu.

[urn:nbn:de:hbz:466:1-98676](https://nbn-resolving.org/urn:nbn:de:hbz:466:1-98676)

Cap. VIII. & Bulla Innocentij X. 327

Datum Romæ 21. Martij 1626, quod innouatur hac die 19. Septembris 1643.

Ioan. B. Card. Pamphilius.

Franciscus Paulinus S. C. Conc. Secr.

Die 21. Octobris 1643. supradictum Decretum affixum, & publicatum fuit in acie Campi Floræ, & aliis locis solitis Urbis per me Franciscum Angelicum Cursorem.

Dominicus Mangilius pro D. Mag. Curf.

INNOCENTII X. BVLLA.

Decretum Sacræ Congregationis supremæ & Vniuersalis Inquisitionis in tota Republica Christiana à Sanctâ Sede contra hæreticam prauitatem specialiter deputatæ.

Feria v. die 15. Ianuarij 1654.

INNOCENTIVS EPISCOPVS,

Seruus Seruorum Dei. Ad perpetuam rei memoriam.

Circumfertur in Vrbe, & forsan aliis in locis quoddam manuscriptum Idiomate Hispano exaratum, quod incipit, Por mano d'este Nuncio regiuo Su Excelentia vna Carta, &c. & fuit, Lo que mas conuenga al seruicio de Dios, bien de las Almas, y recta iusticia. Cuius manuscripti Auctor (vt publicè fertur) est, BENEDICTVS DE TREGLES Collateralis Consilij, siue Cancellariæ Neapolitanæ Regens, in quo inter alias Propositiones temerarias, & scandalosas habetur quæ infra sequitur, videlicet: LA IVRISDICCION ECLESIASTICA QUE TOCA A SV SANTIDAD COMO A PONTIFICE, EVERA DE SV TERRITORIO TEMPORAL RESPECTO A LAS CAUSAS, ET PERSONAS, Y A DETERMINADAS CAUSAS, Y PERSONAS SE RESTRINGE, Y EN ELLAS SOLAMENTE SE PUEDE EXERCITAR, PERO EL TERRITORIO NO ES SVYO SINO DEL REY, Y ASSI COMO QUIEN EXERCITA IVRISDICCION EN AGENO TERRITORIO, TIENE OBLIGACION A PEDIR EL BENEPLACITO AL DUEÑO DE LA RIVISDICCION AQVEL TERRITORIO, ASSI QUANDO SIN TENER IVRISDICCION DE TERRITORIO QUIERE EL PONTIFICE EXERCITARLA EN EL DEL REY SOBRE LAS CAUSAS, O PERSONAS, EN QUIEN LE TOCA, DEVE PERMITIR, SE EXAMINEN POR EL PRINCIPE TEMPORAL SVS RESCRIPTOS, PARA QUE RECONOZCA SI SON DE SV IVRISDICCION LAS CAUSAS Y PERSONAS QUE EN ELLOS SE CONTIENEN.

Quam quidem propositionem iussu Sanctissimi D. N. Innocentij Papæ Decimi à Qualificatoribus Supremæ, & Vniuersalis Inquisitionis examinatam, & pensam, iidem Qualificatores vnanimi consensu, SCHISMATICAM, ET HÆRETICAM CENSERVNT.

Quocirca, ne ex lectura præfati manuscripti pravis opinionibus, & Hæresibus Christi fideles inficiantur, & deprauentur. Eadem Congregatio Supremæ, & Vniuersalis Inquisitionis prædictum manuscriptum, siue Hispano, siue alio quocumque idiomate circumferatur, & diuulgetur, de speciali mandato Sanctitatis Sæ omnino prohibet, & damnat, sub pœnis, & censuris in Indice Librorum prohibitorum contentis.

Et nisi illius Auctor quamprimum sese expurgauerit, Thom. Delbene de Immun. Eccl. Pars II.

rit, censuris, ac aliis pœnis Ecclesiasticis intelligat se omnino coercendum.

Ioannes Antonius Thomasius Sanctæ Rom. & Vniuers. Inquisitionis Notarius.

Publicatio.

Anno à Natiuitate D. N. Iesu Christi milliesimo sexcentesimo quinquagesimo quarto, Indictione septima, die vero decimasexta mensis Ianuarij, Pontificatus Sanctiss. in Christo Patris, & D. N. D. Innocentij diuina Providentia Papæ X. anno eius decimo, supradictum decretum affixum, & publicatum fuit ad valuas Basilicarum S. Ioannis Lateran. & S. Petri de Vrbe, necnon ad valuas Palatii Sac. Inquisitionis, Cancellariæ Apostolicæ, ac in acie Campi Floræ, vt moris est, per me Hieronymum Mascellam eiusdem Sanctiss. D. N. Papæ & Sanctissimæ Inquisitionis Cursorem.

INNOCENTII X. BVLLA.

Declaratio nullitatis Literarum Senatus Mediolani, & Edicti Gubernatoris Status Mediolanensis super obseruatione festiuitatis S. Dominici in dicto Statu.

INNOCENTIVS EPISCOPVS,

Seruus Seruorum Dei. Ad futuram rei memoriam.

Vm nuper ad notitiam nostram non sine graui animi nostri molestia peruenerit, quod dilecti filij Senatus Mediolani per literas circulares datas die xx. Iunij proximè præteriti, & dilectus filius nobilis vir modernus Gubernator Status Mediolani per Edictum publicatum die 30. eiusdem mensis Iunij mandauerint obseruari diem festum Sancti Dominici die quarta mensis Augusti cuiuslibet anni in toto illo Statu, præcipientes vt Populi & subditi illius Status abstinere ab operibus seculilibus, & artifices tabernæ & apothecæ clausas teneant, prout seruatur ceteris diebus festis ex præcepto, & vltius in Edicto prædicto exprimitur festiuitatem esse celebrandam cum omni deuotione, ac pietate Christiana: Nos, quibus vniuersalis Ecclesiæ regimen a Domino commissum est, considerantes quàm perniciosum authoritati Ecclesiasticæ id esse possit, cum Principes laici, quos in rebus Ecclesiæ obsequendi potius manet necessitas, quàm authoritas imperandi, non habeant facultatem indiendi dies festos in honorem Sanctorum; De Venerabilium fratrum nostrorum S. R. E. Cardinalium sacris Ritibus præpositorum, quibus hoc negotium discutiendum commissimus, consilio prædictas literas, ac Edictum emanata authoritate laicali super obseruatione prædictæ festiuitatis Sancti Dominici, fuisse & esse omnino nullius roboris, & momenti, nec aliquo modo seruanda, Apostolica authoritate tenore præsentium declaramus; sicque & non aliter in præmissis per quoscumque Iudices Ordinarios, & Delegatos, etiam Causarum Palatii Apostolici Auditores, ac eiusdem S. R. E. Cardinales, etiam de latere Legatos, & quosvis alios quacumque authoritate fungentes, sublatæ eis, & eorum cuiuslibet quavis aliter iudicandi, & interpretandi facultate, & authoritate, iudicari, & definiri debere, ac irritum, & inane si secus super his à quoquam quavis authoritate scienter, vel ignoranter contigerit attentari, decernimus. In contrarium facientibus non obstantibus quibuscumque.

Datum Romæ apud Sanctam Mariam Maiorem sub

Ee 2 Annula

Annulo Piscatoris, die vj. Octobris M.DC.LIII. Pontificatus nostri anno 10.

G. G. VALTERIVS.

ALEXANDRI VII. BVLLA.

Literæ Processus lectæ die Cœnæ Domini
M. DC. LVI.

In nomine Sanctiss. & indiuiduæ Trinitatis,
Patris, & Filij, & Spiritus Sancti.
Amen.

Nouerint vniuersi, & singuli hoc præsens Transumptum inspecluri, quod nos Odoardus Vecchiarellius Protonotarius Apostolicus utriusque Signatura, Sanctissimi D.N. Papa Referendarius, necnon Curia Causarum Cam. Apost. Generalis Auditor, Romanæque Curia Index ordinarius, sententiarum quoque, & censurarum tam in eadem Romana Curia, quam extra eam latorum, ac literarum Apostolicarum quarumcumque vniuersalis, & merus executor ab eodem S. D. N. Papa specialiter electus, & deputatus, vidimus, & diligenter inspicimus literas Apost. S. D. N. ALEXANDRI diuina Previdentia Papa VII. hodie, quæ fuit dies feria quinta, & Cœnæ Domini, solenniter more solito lectas, & publicatas, eiusque Bullam plumbeâ cum chordula rubei croceique colorum more Romana Curia pendente expeditas, & omni suspitione carentes tenoris prout infra, videlicet.

ALEXANDER EPISCOPVS,
Seruus Seruorum Dei. Ad futuram
rei memoriam.

Excommunic. & anathematizantur.

Pastoralis Romani Pontificis vigilantia, & sollicitudo, cum omni Christianæ Reipublicæ paci, & tranquillitati procurandæ, pro sui muneris officio assidue versatur, tum potissimum in Catholica fidei, sine qua impossibile est placere Deo, vnitatem, atque integritatem retinenda, & conseruanda maxime elucet: Nimirum, ut fideles Christi non sint paruuli fluctuant, neque circumferantur omni vento doctrinæ in requiritia hominum, ad circumuentionem erroris, sed omnes occurrant in vnitatem fidei, & agnitionis filij Dei in virum perfectum, neque se in huius vitæ societatem & communionem dent, ut inter se alter alteri offensionem præbeat: sed potius in vinculo charitatis coniuncti, tanquam vnius corporis membra sub Christo capite, eiusque in terris Vicario Rom. Pontifice Beatissimi Petri Successore, à quo totius Ecclesiæ vnitatis dimanat, augeantur in ædificationem, atque ita diuina gratia adiutrice, sic præsentis vitæ quiete gaudeant, ut futura quoque beatitudine perfruantur. Ob quas sanè causas Rom. Pontifices Prædecessores nostri, hodierna die, quæ anniuersaria Dominicæ Cœnæ commemoratione solennis est, spiritualem Ecclesiasticæ disciplinæ gladium, & salutaria iustitiæ arma per ministerium Summi Apostolatus ad Dei gloriam, & animarum salutem solenniter exercere conseruerunt. Nos igitur, quibus nihil optabilius est, quam fidei inuiolatam integritatem, publicam pacem, & iustitiam, Deo auctore tueri, vetustum, & solennem hunc morem sequentes,

Heretici cuiuscumque sectæ, eorumdem fautores, libros legentes, tenentes, aut imprimentes & schismatici.

1. Excommunicamus, & anathematizamus, ex parte Dei Omnipotentis Patris, & Filij, & Spiritus Sancti, auctoritate quoque Beatorum Apostolorum Petri, & Pauli, ac Nostra, quoscumque Hussitas, Vv-

chlephistas, Luteranos, Zuinglianos, Calvinistas, Vgonotos, Anabaptistas, Trinitarios, & à Christiana fide apostatas, ac omnes, & singulos alios hæreticos quocumque nomine censeantur, & cuiuscumque sectæ existant, ac eis credentes, eorumque receptatores, fautores, & generaliter quoslibet illorum defensores, ac eorumdem libros hæresim continentes, vel de Religione tractantes, sine auctoritate nostra & Sedis Apost. scienter legentes, aut retinentes, imprimentes, seu quomodo libet defendentes ex quavis causa publicè, vel occultè, quouis ingenio, vel colore, necnon schismaticos, & eos, qui se à nostra, & Romani Pontificis pro tempore existentis obedientia pertinaciter subtrahunt, vel recedunt.

Appellantes à Pontif. ad futurum Concilium, eorumque fautores.

2. Item excommunicamus, & anathematizamus omnes, & singulos cuiuscumque status, gradus, seu conditionis fuerint: Vniuersitates verò, Collegia, & Capitula quocumque nomine nuncupentur, interdicimus ab ordinationibus, seu mandatis nostris, ac Romanorum Pontificum pro tempore existentium ad vniuersale futurum Concilium appellantes: necnon eos, quorum auxilio, consilio, vel fauore appellatum fuerit.

Pirata, atque eorum receptatores, & fautores.

3. Item excommunicamus, & anathematizamus omnes Piratas, Corsarios, ac Latrunculos maritimos, discurrentes Mare nostrum, præcipue à monte Argentario vsque ad Terracinam, ac omnes eorum fautores, receptatores, & defensores.

Naufragorum Christianorum cuiuscumque generis bona, etiam in litoribus inuenta surripientes.

4. Item excommunicamus, & anathematizamus omnes, & singulos, qui Christianorum quorumcumque nauibus tempestate, seu in transuersum (ut dici solet) iactatis, vel quoquo modo naufragium passis, siue in ipsis nauibus, siue ex eisdem eiecta in mari, vel in litore inuenta cuiuscumque generis bona, tam in nostris Tyrreni, & Adriatici, quam in cæteris cuiuscumque maris Regionibus & litoribus surripuerint: ita ut nec ob quodcumque priuilegium, consuetudinem, aut longissimi, & immemorabilis temporis possessionem, seu alium quemcumque pretextum excusari possint.

Imponentes noua pedagia, & gabellas, vel eas augentes.

5. Item excommunicamus, & anathematizamus omnes, qui in Terris suis noua Pedagia, seu gabellas, præterquam in casibus sibi à iure, seu ex speciali Sedis Apostolicæ licentia permisis imponunt, vel augent, seu imposita, vel augeri prohibita exigunt.

Falsific. lit. Apost. aut suppl. à quocumque auct. habente signatas, & falsò publicantes literas Apost.

6. Item excommunicamus, & anathematizamus omnes falsarios literarum Apostolicarum, etiam in forma Breuis, ac supplicationum gratiam, vel iustitiam concernentium, per Romanum Pontificem, vel S. R. E. Vicecancellarios, seu gerentes vices eorum, aut de mandato eiusdem Rom. Pontificis signatarum, necnon falsò publicantes literas Apostolicas, & etiam falsò signantes supplicationes huiusmodi sub nomine Romani Pontificis, seu Vicecancellarij, aut gerentium vices prædictorum.

Deferentes arma, & alia vsui bellico idonea ad Turcas, vel alios Christiani nominis inimicos, & ad Reipubl. Christianam statum pertinentia, & idem in damnum Christianorum nuntiantes.

7. Item excommunicamus, & anathematizamus omnes illos, qui ad Sarracenos, Turcas, & alios Christiani nominis hostes & inimicos, vel hæreticos per nostras, siue huius Sanctæ Sedis sententias expresse & nominatim declaratos deferunt, seu transmittunt equos, arma, ferrum, filum ferri, stannum, chalybem, omniaque